

■ PREMI NADÂL FURLAN

Premiadis 4 personalitâts

I premis dal «Nadâl furlan», edizion numar 35, a saran consegnâts li dal Teatri de Cjase de Zoventût, a San Stiefin di Buie, sabide ai 7 di Dicembar, aes 5 sot sere. La jurie, componude dai represen-tants de Curie di Udin, dal Assessorât regjonâl ae Culture, de Presidense de Provincie di Udin, de Societât Filologijche Furlane, de Plêf di San Laurinç e dal Comun di Buie, dilà che dal Laurenzian, e à decidût di premiâ 4 personalitâts. Si trate di Alan Brusini, un dai deans de leterature furlane, nassût e vivût a Tresesin, classe 1923, aderent al grup le-terari di «Risultive», che al à une vaste produzion leterarie e poetiche, par di plui in marilenghe, dal prin volum di poesiis dal 1957 al ultin romanç dal 2009. Il secont al è Giovanni Frau, udinês, nassût a Flum/Rijeka; al è un dai maiôrs protagoniscj de vite academiche dal Friûl, innomenât linguist di fame internazionâl, docent ordenari di Lenghe e culture ladine, al è stât diretôr dal Istitût di Filolog-jie Romance e al colabore cun cetantis istituzions furlanistis. Premi ancje par Attilio Maseri, ricognos-sût tant che un dai plui impuantants cardiolics a nivel mondiâl, prestant la sô sience par curâ ancje papis, presidents e regnânts; al à davuel i siei stu-dis e lis ativitâts clinichis tes massimis struturis eu-ropeanis e americanis. Leât al Friûl, al è udinês di nassite, al à la direzion di orghins di indiriç de Aziende Ospedaliere Universitarie. Ricognossiment ancje a Giovanni Zanetti, di Pocenie, une vite dedicade ae musiche; docent e diretôr dal Conservatori musical «Jacopo Tomadini», dilà di une pre-seade cariere professional, al à un lunc curriculum di composizzions musicâls, sacris e profanis, di dire-zion corâl, di ativitât di conciersts.